



Posbus 7113, Newtonpark, 6055
Telefoon (041) 3651233
Faks (041) 3652586
h/v Willetstraat en 4de Laan, Newtonpark, 6045

Uitnemendheid begin by omgee

NUUSBRIEF 2

24 Januarie 2020

UIT DIE KANTOOR

Geagte Ouers

INLIGTINGSAAND 20 JANUARIE 2020

Baie dankie aan al die ouers wat die oueraand bygewoon het. Ons was werklik deur die goeie opkoms verras. Ons stuur aan al die ouers wat die aand gemis het, die inligting deur wat tydens die geleentheid bespreek is. Indien daar enige vrae is, kan u gerus u kind se klasonderwyser kontak.

KLEURE-ATLETIEK

Baie dankie aan almal wat bygedra het tot die kleure-atletiek se groot sukses. Dankie aan Mnr. Westraadt en die personeel wat al die reëlings getref het en aan al die beamptes van die dag.

Dit was vir my mooi om al die ouers te sien wat daar was om hul kinders te ondersteun. Dit was vir die kinders baie spesiaal.

SPORT

Van volgende week af volg ons die sportrooster soos op die D6 skoolkommunikeerder geplaas sal word. Maak seker dat u kind al die oefentye van die sportsoorte waaraan hy/sy deelneem nakom.

BEHEERLIGGAAMVERKIESING: DONDERDAG, 30 JANUARIE 2020 OM 17:30

Die kennisgewing van nominasie- en verkiesingsvergadering vir die kies van een (1) ouerverteenwoordiger is alreeds op Donderdag 16 Januarie 2020, aan u gestuur. Neem asb. kennis van die inhoud daarvan.

Ons versoek u om asb. die afskeurstrokie te voltooi en na die klasonderwyser terug te stuur.

Teken asb. die datum in u dagboek aan.

SPORTPRESTASIES BUIE DIE SKOOL

As leerlinge aan sport buite skoolverband deelneem, vra ons die ouers om asseblief die uitslae aan die skool te stuur om in die nuusbrieff te plaas. Ons kondig dit ook tydens saal aan en as daar medaljes of bekere betrokke is, sal ons dit ook in die saal oorhandig. Ons wil ook daarvan 'n foto neem om aan Die Burger te stuur vir plasing. Ons is trots op alle prestasies van ons leerlinge.

HUISWERK

Ons wil tog vir u vra dat u hierdie jaar somer van die begin af sal toesien dat die leerders gereeld hul huiswerk en ook somer gereeld hersiening sal doen.

Elke kind het 'n ordentlike huiswerkboek ontvang, en u moet asseblief gereeld uself vergewis of daar iets in staan.

Daar is geen verskoning vir leerlinge wat nie huiswerk doen nie. Boeke wat by die huis vergeet word, word beskou as huiswerk wat nie gedoen is nie.

Die skoolreëls is in die huiswerkboek vervat. Indien leerlinge nie hul kant bring wat dissipline betref nie, sal hulle die daaropvolgende Vrydag by die skool van 12:45 tot 14:45 detensie sit. Geen leerling sal hiervan verskoon word nie. Indien 'n leerling nie vir detensie opdaag nie, sal hy/sy outomaties nog 'n bykomende Vrydag se detensie hê. Indien 'n leerling sy/haar kommunikasiekaart laat wegraak, sal hy/sy ook detensie sit.

Onthou asseblief, die opvoeding van die kind is nie net ons taak nie, maar ons is vennote in dié aangeleentheid. Let asseblief daarop dat die leerlinge hulle boeke daagliks volgens hulle rooster (volgens die dag) kan inpak.

TENNIS: OUER-EN-KIND-AAND

Op Vrydag, 30 Januarie gaan ons "afslaan" met ons eerste ouer-en-kind-tennisaand wat om 18:00 onder ligte by die sportveld gehou word. Soos vantevore sal kos en koel drank te koop wees. Hierdie geleentheid was verlede jaar baie goed ondersteun en ons sien uit daarna om hierdie kwartaal weer 'n hele rits splinternuwe paartjies op die "baan" te verwelkom.

SNOEPIE-HULP

Die snoepie maak staat op ouerhulp wat dringend benodig word. Persone beskikbaar kan Christa Slabbert by 076 6873 699 skakel.

SKOOLKOMMUNIKEERDER

Ons herinner u dat hierdie elektroniese program **ons hoof medium van kommunikasie met u is**.

Hierdie program verskyn elke oggend op u skerm en u kan dan sien watter boodskappe uitgestuur is en ook wat op die kalender gaan plaasvind. Die program sal ook gebruik word om dringende boodskappe aan u te stuur. In so 'n geval verskyn daar onmiddellik 'n kennisgewing op u skerm. Die program kan bestuur word sodat u slegs inligting ontvang wat op u van toepassing is.

HOE OM U "SCHOOL COMMUNICATOR" TE INSTALLEER:

Laai die School Communicator af in 7 eenvoudige stappe:

STAP 1

Gaan na www.school-communicator.com/downloads en kies die skool waarby u betrokke is.

STAP 2

Kies u bedryfstelsel. (Mac of Windows)

STAP 3

Kies die "Save" opsie om die lêer op u rekenaar te stoor.

STAP 4

Sodra die lêer klaar afgelaai het, klik "Run" in die opwipkieslys
OF

Klik twee keer op die skoolwapen om die program te aktiveer.

STAP 5

Sodra u dit gedoen het, sal die "Setup wizard" op u rekenaarskerm verskyn. Klik op "Next".

STAP 6

Bevestig dat u die bepalings en voorwaardes aanvaar deur die klein boksie te selekteer en klik weer op "Next".

STAP 7

Om die installasieproses te voltooi, klik op "Finish".

Die "School Communicator" sal nou verskyn.

LAERSKOOL NEWTONPARK FACEBOOKBLAD

Besoek gerus ons skool se amptelike facebookblad, @LaerskoolNewtonpark.co.za, die blad se profielfoto is die skoolwapen. Dis lekker om na foto's te kyk en met ons leerlinge te spog. Bly ook op hoogte met die nuutste gebeure.

SKOOLGELDE 2020

Soos reeds aan u deurgegee, beloop die skoolgeld vir die jaar soos volg:

SKOOLGELDE: GRAAD 1 – 7				
	PER JAAR	10 MNDE	11 MNDE	
Eerste kind	R14 700	R 1 470	R 1 337	
Tweede kind	R13 400	R 1 340	R 1 219	
Derde kind	R 9 300	R 930	R 846	
GRAAD R: MAANDELIKS VOORUITBETAALBAAR				
Graad R (Maandeliks vooruit)	R14 700	R 1 470	R 1 337	
NASORG: VRYWILLIGE PROGRAM: – KWARTAALLIKS VOORUIT BETAALBAAR				
	PER JAAR	PER KWARTAAL	MUSIEK: MAANDELIKS VOORUITBETAALBAAR	
13:00/13:30 – 14:00	R 4 860	R 1 215	PERIODE(S) P/W	PER MAAND (10 MNDE)
14:00 – 17:30	R 7 160	R 1 790	1	R 190
13:00/13:30 – 17:30	R 8 360	R 2 090	2	R 295
			3	R 430

Op die verwysing van die inbetaling moet u asseblief die rekeningnommer en u kind se van en naam verskaf, en u bewys van betaling aan fin@lnpark.co.za e-pos.

Die volgende wyses van betaling is beskikbaar: maandelikse debietorder oor 10 of 11 maande. (Januarie/Februarie – November en is opbetaalbaar voor/op 30 November 2020. 'n Debetorder kan slegs op 'n tjek-/spaar-/transmissie rekening ingestel word.) Indien u kontant wil betaal kan u by Mev. Laas of direk in ons bankrekening betaal.

Alle graad R-gelde is maandeliks vooruitbetaalbaar; en nasorggelde is kwartaalliks streng vooruitbetaalbaar. Geen verligting word ten opsigte van hierdie dienste toegestaan nie, aangesien hierdie aktiwiteite deel van die skool se vrywillige program is.

Die betaling van skoolgelde is 'n wetlike verpligting (Staatskoerant no. 29311). Indien u in gebreke bly om u skoolgelde te betaal, sal dit wetlik afgedwing word.

KRY KORTING OP SKOOLGELDE

Indien skoolgelde (graad R – 7) ten volle betaal word voor/op 29 Februarie 2020 sal 'n 10% korting toegestaan word, en indien ten volle betaal word voor/op 31 Mei 2020 'n 5% korting.

AANSOEK OM VERLIGTING VAN SKOOLGELDE

Indien u om verligting van skoolgelde wil aansoek doen, moet u die nodige vorms by Mev. Laas aflaai en **voor of op 29 Februarie 2020**, vir oorweging deur die beheerliggaam, by haar inhandig. Die vorm moet van die nodige dokumentasie (o.a. bewys van inkomste) vergesel wees.

Geen vrystellings wat in 2019 toegestaan is, word na 2020 oorgedra nie.

ELEKTRONIESE BETALINGS


REKENINGNAAM	LAERSKOOL NEWTONPARK
BANK	ABSA
REKENINGNOMMER	1400490089
TAKKODE	632005

Op die verwysing van die inbetaling moet u asseblief die rekeningnommer en/of u kind se van en naam en verskaf. 'n Bewys van betaling moet per e-pos na fin@lnpark.co.za gestuur word.

GEDAGTES VIR DIE WEEK:

Die toekoms
is oop.

Dit is ons wat
moet besluit
wat daarin
moet wees.



JJ. Pienaar
SKOOLHOOF
E-pos: skoolhoof@lnpark.co.za
Tel : 0846935318

ALGEMEEN

BELANGRIKE DATUMS VIR VOLGENDE WEEK:

Die volgende datums moet u asseblief op u kalender aanteken:

- Ma – 27 Januarie : Klerewinkel: **07:30 – 12:00**
Akademiese Erebordefunksie
Kuns graad 1 - 2 **13:30-14:30**
Kuns graad 3 **14:00-15:00**
Kuns graad 4 - 7 **14:15-15:00**
- Di – 28 Januarie : Dance Kids opedag: **11:15**
Kindermusiek graad R: **13:00 – 13:30**
Krieket: LNP 0/9 teen Sunridge (w)
Kuns graad 1 - 2 **13:30-14:30**
Kuns graad 3 **14:00-15:00**
Kuns graad 4 - 7 **14:15-15:00**
Skaak: graad 1 - 2 **13:30 – 14:15**
Skaak: graad 3 - 7 **14:20 – 15:15**
Nasorgvergadering: **17:30**
- Wo – 29 Januarie : Klerewinkel: **12:00 – 14:30**
- Do – 30 Januarie : **NETHEIDSINSPEKSIE**
BHL verkiesing **17:30**
- Vr – 31 Januarie : Klerewinkel: **07:30 – 12:00**
Dance Kids ballet graad R: **9:45**
Drama graad R – 2: **12:45 – 13:30**
Drama graad 3 – 7: **12:45 – 13:45**
- Sa – 1 Februarie : Attie van Wyk byeenkoms by Hoërskool Framesby
Swem: B-Age Group Gala (Newtonpark Swembad)

SPORT & KULTUUR

SANPARKE PRETDRAF

Conri Hol in graad 2C, het op 30 Desember aan Sanparke se 5km pretdraf by Stormsriviermond, deelgeneem. Sy het onder die eerste honderd klaargemaak en het daarvoor 'n medaje ontvang. Baie geluk!

OOS-KAAP JUNIOR KINDERKOOR

Lee-Ché in graad 4M is gekies vir die Ooskaap-junior-kinderkoor. Baie geluk!